

2019
LOTHA

Total marks : 90

Time : 3 hours

General instructions :

- i) *Approximately 15 minutes is allotted to read the question paper and revise the answers.*
 - ii) *The question paper consists of 23 questions. All questions are compulsory.*
 - iii) *Marks are indicated against each question.*
 - iv) *Internal choice has been provided in some questions.*
- N.B:** *Check that all pages of the question paper is complete as indicated on the top left side.*

SECTION – A (Ekha)**1. Yiphongran shi khæ zesi oküpoe engao jiang janlana :**

Kako ekha yakchia ete lümbüm nzokatala osi ntsijan ranka e-piala. Kako ekhajo ntsinran tona melanyilan (recreation) to chiyiphen opvü motsünga. Kako ekha shi na loyilori, lümemi, noying to lümebük osi jüngthe tsüphov to shiang epiala. Ochoang sana jo kako ekha shi ji onte choka elhi (hobby) tssotoka khala osi ochoang sana jo eranpvüo nchümri osi tssothimori yani ekhiv tsükona khala.

Kako ekha jina tsoyotsori osi lümi wondang epiala. E laphyata osi züyimzüria vanathüng kako mmhom ekhao ji yakchia okyak ranka osi lümbüm ngazongari tsüphov epiala. Limha esopvüi osi ntsinran jiang eküm kako khao jiang yakchia kyon thüngche osi esopvüi tsüphoe jiang ekümo tssochopenche kvütolyui hansi yicho sana hojiang na ete lüm mi nthiphi epiala osi onte hungchoe ekhiv mhanka epiala. Kako mmhom jiang khao ji yakchia elhi topvü ryumhena etssov osi mhanka eliv nthiphi tsüphov epiala.

“Kako ekha yakchia kyon nchüngcho osi kyon benribenyue e kümtokala. Kako ekhae okho sanrhyu lo wonrhyuo jina methaka evan kyon ekümtokala, osi eranto na kyon shenthi e kümtokala”, to Francis Bacon na pyocho. Otsotso kako ekha ji lo eman elümoto jüa. Kako ekha yakchia ombo na ntsinran ntsijan osi kyakran kyongkata hungala. Kako ekha yakchia ete osi hungjanrüjan enzokayiala. Kako ekha jiang lona ete na etssoephyo osi eyiechan mmhom hungala.

Kako ekha jiang lona eranpvüi ji pono tethi tssothimori osi osen mmhon ejüo jiang yancheta la. Kako ekha jo ntsinranlan etsoyu ji esüa tüv. Etsoyu tsoyusi otsük rankao ji esüa kako ekha ji lona ete lüm osi eküm mon lo rankav etsoyu etheyiala. Kako mmhom jiang khæ khi ete tsük reta nzüa yitokvü lia. Ekhümlan kako jiang lo etsoyu esüa tvü. Khristian jiang tsükona Bible ji jo ekümlansophen osi omon etsoyu ji osi hoji khao ji yakchia shancholan hungala to onte na longtsüala. Hoji esüa ekhümlan thampoe jiang na ha onte kako likhana

osi hojiang khao ji yakchia onte eküm sayatokala osi okho soying jiang mmhona yia vantokala.

Kako olan olan elümoto lia, kyon jiang na ombobo choka ephanina kako jiang ethünga khala. Kako nmmhon ha lia osi hojiang khao ji yakchia nonghori sosorao osi eküm yeso түв lia. Hoji tsükona kako nmhon jiang kha yuta mmhom ji thama ezüi nsiv lia.

Kako ekha ji nonghori jiang nonghothüng na pashi tsoa sokav lia. Kako mmhom jiang jo khümoshomo mmhom esüa түв. Hoji tsükona kako mmhom ekha pashi lo sokata tssona ete nonghori jiang na oshom nmhom jiang nkachoa evamü tsscho mmhom piala.

Engao:

- | | |
|---|-------|
| (a) Yiphongran shi yidong pia. | 1 |
| (b) Kako ekha shina ntio epiala? | 1 |
| (c) Kako ekha tsükon Francis Bacon na kvüto phyochola? | 1 |
| (d) Kako mmhon jiang khao ji yakchia ntio tsoa la? | 1 |
| (e) 'Sanrhyu' shina tssoyioyi kümtoka. | 1 |
| (f) Nonghori jiang kako mmhom ekhav pashi lo sokata tssona onte tsükona ntio mmhom hungrü la? | 1 |
| (g) Kako ekha kvüthüng na benkav shikhvü la osi ntio kako khav na lia? | 1+1=2 |
| (h) Oküpoe pi elio shiang yichak esütao tvü pia: | 1+1=2 |
| (i) Elümoto (ii) Thampoe | |

SECTION – B (Eramo)

2. Oküpoe eni pi elio shi lo na ni lümcho motsünga yitsüng 100-150 na epemo erana :

- a. **Yiphongran:** Plastic na nsüngrücho tsütsailan thephen osi sükvü jiang tsütsao ji mmhon osi nmhon jiang tsükona erana. 6
- Mekana**
- b. **Thyutasanta/jantasanta shi erana :**
Ni tona ni shom ji to nini na nte yisanro (dialect) ji yani ekhiv tsükona ethelan lia to jantasanata erana.

3. Oküpoe eni pi elio shiang lona ni lümcho motsünga erana :

- a. **Yiren pi elio shi khac zesi elanchoe eranchoa (copy-editing) :**
Kayatha si jo thilithakcho okho ejyuesü opvü motsnga. Kyong joren topvülo Kaytha shi ethev lia. Kayatha shi ünthev jo school mekana college elhingo jiang ünbenriala. Nkolo jo Kayatha shi omhyik juki hansi yansaron shikhvü jiang küpi jancho zoa evamo ji.

Mekana

- b. Nino Yanbemo/Yanbeni, BOC Youth Club, Kohima ji lo eranpvüi ji. Khapheni ekhae nonghori jiang okho na okhen ekhüo tvü lona merangta khitav sa jilo elan nlan etsüng etsüi jiang yolo nchyua tssothokvü tsükona khenkhüi mmhon tvü tsa etsa kako 50 aria yitsüng erana.

SECTION – C (Lothayi Nsanlan)

4. Shiang janlana :

- | | |
|--|---|
| (a) Etümtokyi (Adjective) jo ntiola? Etümtokyi chiro jiang lona eni erana. | 2 |
| (b) Yiren Shiang yitsünga tae kümtoka : | 2 |
| (i) Nchü na eküm echung evan. | |
| (ii) Sanrhyu to thyutasanta elio yi jiang. | |
| (c) Yichak esütao tvü pia : | 2 |
| (i) Phyochaka | |
| (ii) Rakia | |
| (d) Yiren pi elio ji past tense tona future tense to kümtoka : | 2 |
| Ana kako mmhona khala. | |

5. Etssyuchi epio ji ephan janlana :

- | | |
|---|---|
| (a) E pono e khonzana o, potsow. (Ntio yiren sana pia) | 1 |
| (b) Onte no eranpvüi den. (Yintüp kümtoka) | 1 |
| (c) Ombona ombo elhi _____ lhasala. (Mhachungyi na pyingtoka) | 1 |
| (d) Enyathüng jo oki oro otsi tsoa. (Tongphiyyoiyi ji sekata) | 1 |
| (e) Harishia ni vantokvü nirandanila. (Tüngsochio yi kümtoka) | 1 |
| (f) Nina orang jiang eziv meka. (Ntio eyieton sana erana) | 1 |
| (g) 'Thyuta' yitsüng shina Myingtsayi (Noun) kümtoka. | 1 |

6. Yiren shiang Lothayi na khophia :

It was an incredibly hot day, and a lion was feeling very hungry. He came out of his den and searched here and there. He could find only a small rabbit. He caught the rabbit with some hesitation. "This rabbit can't fill my stomach" thought the lion. As the lion was about to kill the rabbit, a deer ran that way. The lion became greedy. He thought; "Instead of eating this small rabbit, let me eat the big deer." He let the rabbit go and went after the deer. But the deer had vanished into the forest. The lion now felt sorry for letting the rabbit off.

SECTION – D (Motsüran Ekhaos)

7. Albatross jo ntio la? 1
8. Ete pyimtsümotsüi jiang na nkolo jo khyingroe osi loroe jiang nzyu kvüta lona benkae yanpiyanthan tssotokcho la? 2
9. Jübonlo jo kvütolyui chücho sana erana. 2
10. Ronald Ross na elhi tsüphov elhi tssothako ji tsükona tssayimyingthüng osi thanthüng ombo pio jiang erana. 3
11. “Ana phei to phechei nte piv khatola”
 (i) Yiren shijo ochona phyochola? 1
 (ii) Ntio ji phechei onte piv ezochola? 1
 (iii) Osi ntio man phechei onte piv ezochola? 1
12. Naomi na Moab metae na kholani Bethlehem ni yiathüng Ruth na kvüto ezoa ono phana yicho sana erana. 4
13. a. Jean Henry Dunant eküm ochümi motsü eroroa erana. 5
Mekana
 b. Nkolo eran reni jo eloe jo kvüto loji longata rocho sana mmhona erana.
- Chungiyi**
14. “Jancho ünzoe” chungiyi shijo ocho na eranchola? 1
15. Chungiyi “Loroe Kangtsücho merangcho” ji lo opvü opoang na onte otsolov ji kvüto phyoyita vancho la? 2
16. “Eng kvümyun rakao” phonglan jijo ntio phonglan la osi eng kvümyun ji yichak jo ntio la? 2
17. Yihata tsoe evamo jilo eman jiang erana. 3
18. Jancho ünzoe otsoe jina kvüto phyoa lümbüm khophicho la? 3
19. Potsow na aküm shi okhen teriv motsa nsüngrücho.
 Hoji na thampoe jiang etho jütökü nzanchiala;
 Osi khenden ji longshyutokala....yiren shi eroroa erana. 4
20. a. Oroe otong motsünga omboti ezao jijo;

*Tsüphoa osi etho lia osi oying süngpen lia;
 Enhyokphia vena thüng ünzarong khokala...
 Eroroa.*

Mekana

- b. Chungiyi ‘Loroe Kangtsücho Merangcho’ ji yintssen ji erana. 5

Nchümntan Motsü

21. Opvü-opo jiang na ntiolyui ngaro ji Zikao to tsachola osi ombo kvütüv la? 2
22. Zikao na kvütolyui ombo shom Rakao chüo ji nntsi cho sana motsü ji eroroa erana. 3
23. a. Zikao osi ombo oshom ethan oni ejyuran jiang erana. 5
Mekana
 b. “Zikao na nzyu elümoto sunga opo ha oyo oni ndüngo vana vansi, nchoka tsüngon no jo meta ekoni vanowocho.”
 Shiang yuta lo ombo na ejyuramo jiang chakcheta erana.
